

ultra hominum memoriam quærendo per sylvas victu assuescebant, agros hoc anno sedesque fixas juxta nos habere cœperunt. Magnum certe imo et necessarium adjumentum ad illos informandos, continendosque in officio christiano. Crescit in dies crescatque illorum numerus. Alios enim sylvestres tum finitos tum remotos quibuscum agunt muneribus ad nos pellicere sibique concives adsciscere nituntur. frequentes intersunt iis quæ spectant ad pietatem cultumq. divinum. Ab eo tempore quo versamur inter eos hic ad 500 sacris aquis lustravimus quorum plerique (infantes certe) cœlo fruuntur. Alii non minus assidui sunt in obeundis hominis christiani partibus, quam nostrates Galli aliunde sane pii, quibus adagium immerito tribuebatur. cœlum, non animum mutant, qui trans mare currunt. Adeo ut tritum sit inter Gallos qui velit melior fieri transeat in novam franciam.

Ad hoc magnopere confert Gubernatoris hujusce novi orbis Dni. Montmagny, militensis eques viri sane satis nunquam laudati, singularis prudentia, quæ non vulgari adjuncta pietati omnia continent in officio. Sed de hac nostra residentia jam satis.

De superioribus novæ franciæ partibus dicam breviter quod a sylvestribus accepi, septentrionem inter meridiemq. fixæ sunt nationes oppidis hominibusq. numerosissimæ. Ad illas Europæorum nemo, nec dum Evangelii præco accessit, saltem Europæus. De barbaris aliquis ad quasdam eorum perferre potuit